



## Universitätsbibliothek Paderborn

**Vita P. Iacobi Laynis Secundi Societatis Iesv Generalis  
Alphonsi item Salmeronis Vnius in primis decem Socijs**

**Ribadeneyra, Pedro de**

**Coloniae Agrippinae, 1604**

Magistratu se abdicare nititur. Cap. 12.

**urn:nbn:de:hbz:466:1-11740**

L A Y N I S auctoritate lustrare in Hispania sociorū Collegia iussus erat  
Præfectum dedit Ioannem Valdeza-  
uanum: Toletanæ vero Prouinciæ Io-  
annem Suares præfecit. Antonio Ara-  
ozio, qui vtramque ad illud tempus  
Prouinciā moderatus erat Hispania-  
rum cōmissa est Prouincia vniuersa,  
Francisco enim Borgiæ succenturi-  
tus, qui Romam à Pio IV. Pont. Max.  
euocatus discesserat, administravit.

*Magistratu sese abdicare nititur*

L A Y N E S .

C A P . XII.

1558.

T Riennium iā abierat cum L A-  
Y N E S priuatæ vitæ , qua erat  
animi demissione amantior , se co-  
gitat abdicare. Cōuentu enim socio-  
rum anno 1558. habito quo Præpositus  
omnium suffragijs renunciatus erat,  
deliberandum Pontifex Paulus IV.  
censuerat, viderēt etiam atque etiam  
Patres vtrum è re societatis publica  
magis videretur, Præpositi ne gene-  
ralis perpetuum esse munus , an ali-  
quot annorum curriculo circumscri-  
bi, alterumque continuo subrogari.

Misso

Misso itaq; Petro Pacieco Cardinali Hispano, & animum tandem inclinare significat, vt bona cum venia sua ex Ignatij decreto perpetuum illud munus esset. Sic creatus L A Y N E S est. Dubitauit denuo Pontifex, coetaque sociorum iterum coacto, req; in controuersiam vocata, & precibus assiduis, sacrificque Deo commendata, in eam omnes sententiam summa animorum confensione veniunt, atque subscribit ad vnum omnes L A Y N E excepto ( ne retinere magistratū velle, Præpositus cum esset, videretur) Ignatij decretum de perpetuo Præpositi generalis magistratu retinendum videri: oblato etiam hac de re Pontifici libello, quo rationum hæc fere momenta collegerant: hanc Deū mentem Ignatio in legibus ferendis dedisse, tale vt decretum faceret de perpetuo illo summoq; magistratu, idq; incredibili consensu Patrum qui frequentes ea de re consultarāt, idē iure consultis visum, idem religiosarum familiarum auctoribus placuisse: idem à sapientissimis philosophis tutissi.

tutissimum gubernandi genus iudi-  
cari. Constantem firmamq; eam reip;  
administrandæ formā esse, cum adv-  
num omnia referrentur, & vni ratio  
rerum gestarum perpetuo constaret.  
Reges ad hæc, & Principes, hæreditati-  
rio etiam iure, non arbitrario melius  
imperare. Episcopos quoq; id genus  
dignitates nō nisi morte obita hono-  
res deponere. Quin & Pontificis sum-  
mā dignitatē perpetuam rectius geri.  
Ad hæc cōmodum id societati fore vt  
omnes melius noscat, rerumq; vſu, &  
experimentis auctoritateq; polleat.  
Seuerius quoq; disciplinā feruaripol-  
se perpetuo vnius magistratu. Fore-  
tem vt à societate profligentur ciui-  
tatum omniū pestes, ambitio, pren-  
fandi studiū in candidatis, factiones  
deniq; ac seditiones. De hinc sump-  
tus, labores, & pericula itinerū, si per-  
petua nō annua sit dignitas, societati  
minuentur. Perstitit tamen Pontifex  
in sententia, & vocis oraculo pronu-  
ciauit placere sibi, vt tertio quoq; an-  
no comitia socij delegendo Præpoli-  
to generali haberent: & si ita videre  
tur com-

tur communi omnium consensione  
retinere magistratum, non abdicare,  
iuberetur. Paul<sup>o</sup> in sequentis anni mēse  
sextili exeunte discessit è vita. Dubi-  
tatu itaq; valeret ne voce tantum ne-  
gotium hoc socijs datum, vt triennio  
quoq; conuentū agerent. Respondent  
iuris bene periti, & Cardinalium do-  
ctissimi, quādo Pontificis responsum  
tabulis non esset, aut diplomate con-  
signatū, nullum adferre præiudiciū:  
valere interim Ignatij de perpetua  
cōmunitatis Societatis Præpositi digni-  
tate Decretum, ceterasq; leges cōfli-  
tutas, & promulgatas, quod tabulis  
consignatæ essent, & à Pontificibus,  
imo & ab ipso Paulo subscribendo  
confirmatæ circumferrentur. LA Y-  
NES nihilominus, religionem tactus,  
omnino abdicare se magistratu, & ad  
conuentum ea de causa Prouinciales  
socios aggredire constituit. Re ita-  
que ad sacerdotem, qui aures rite  
confidenti dabat, mature delata, ve-  
tatis ille, ne quid noui tentaret, in-  
scijs, qui assisterēt Patribus, & quorū  
arbitrio recte adhuc societatem mode-  
raretur.

raretur. Hi similiter consulti magno dissuadent opere , ne societatem no-  
uarum rerum studio turbaret. Ignatij Decretum de magistratu illo sum-  
mo non deponendo , religiose ser-  
uandum,cum illius auctoritate,tum  
quod vna cum cæteris legibus Ponti-  
fices pridem citra exceptionem con-  
firmassent. Ad conuentum vocare so-  
cios,non, nisi urgente necessitate per  
leges licere:sumptibus enim non ne-  
cessarijs prouincias minime esse one-  
randas. Ad hæc patefactum in fene-  
stram alijs , qui post sequerentur, ut  
idem auderent. Quotus enim quisq;  
vitæ innocentia præditus non præfe-  
rat magistratui vitam priuatam,& o-  
ciosam. Ne his quidem sententijs Iu-  
reconsultorum Patrumque iudicio,  
**L A Y N E S** acquieuit , sed singulari  
animi demissione, se ipse ad vnguem  
explorans,indignum se ratus, nec fa-  
tis idoneum qui clavum teneret,alte-  
rum cui administrâdæ societatis mu-  
nus traderet,dari optabat. Quamob-  
rem ad vniuersum tandem societatis  
corpus referre votū placuit. Ad Pro-  
uinciale

uinciales itaque Europæ, & Professos  
sacerdotes literas dedit : triennium  
iam effluxisse, & diem cefsisse: rogare  
aliū indigno sibi sufficient, munusq;  
regendæ societatis vniuersæ , alteri  
tradtant.Rationes etiam causasq; can-  
dide subiecit.Respondent vno ore o-  
mnes, pergeret porro rectum clavum  
tenere: onusq; ne detrectaret: interef-  
seenim societati videri. At stimula-  
bat hominem Pauli i v. vox, donec  
Assistentes Pium i v. supplices ro-  
gant, vellet iuberetque, L A Y N E M  
Præpositi societatis munus bono pu-  
blico nō detrectare. Religione vero  
qua obstrictus Pauli Pont. verbis te-  
neretur, liberaret, scrupulumq; exi-  
meret. Ille vero ac libēter : irritumq;  
dictum interpretatur : Ignatij decre-  
tum de perpetuo Præpositi generalis  
magistratu sartum rectum seruari vi-  
uæ vocis oraculo iubet, fidem tunc  
appellauit, & testimonium præsentis  
Hippolyti Cardinalis Ferraiensis &  
Apostolicæ sedis legati. Huic vni au-  
toritati cedēs L A Y N E S, moderare  
societatem perrexit.

G

DE